

Baruti ba Bohata



SABATHA MANTSIBOEA

Bakeng sa Thuto ea beke ena bala:

2 Pet. 2:1-22, John 8:34-36, Matt. 12:43-45, Juda 4-19, Gen.18:16-33.

Temana ea Khopolo:

“Ba ba tšepisa tokoloho, athe bona ke bahlanka ba ho bola; hobane seo motho a hlōlang ke sona, o fetoha mofo oa sona le hona” (2 Peter 2:19).

Epistoleng ea hae ea pele, Petrose, ka tsotello e kholo ea bolisa, o ne a batla ho khathatsa babali ba hae malebana le litlhoriso. Leha re sa tsebe hantle hore e ne e le mofuta ofe oa litlhoriso tseo aneng a bua ka tsona, re ea tseba hore kereke e tla tobana le liteko joalo ka ha ’muso oa bohetene oa Roma o ne o batla ho felisa sehlopha seo se holang se bitsoang “Bakreste.” Empa Satane o ile a thakhola tlaselo e ntlha-peli. Litlhoriso ho tsoa kantle—ke hore, likotlo-qobello le khatello—e ne e le se sebelisoa se matla. Empa kereke e ne e tobane le tšoso e ’ngoe, mohlomong e kotsi le ho feta litlhoriso tsa kantle. ’Me eo e ne e le tšoso ea ka hare. Joalo ka sechaba sa Majudaa nakong e fetileng ba ne ba sebetsana le baporofeta ba bohata, balateli ba Jesu nakong ea Petrose ba ile ba lokela ho sebetsana le baruti ba bohata “ba kenyang ka sephiri lithuto tse senyang” (2 Pet. 2:1) ka hara kereke. ’Me ka ho fetisisa, Petrose o ile a hlokomelisa hore ba bangata ba tla latela “mokhoa eo e senyang” (2 Pet. 2:2).

E ne e le lithuto life tse ling tseo Petrose a neng a hlokomelisa ka tsona? Petrose o ile a itšoaara joang malebana le tsona, ’me ke lithuto life tseo re ka li nkang litlhomklisong tsa hae kajeno, ha le rōna re tobane le litšoso ho tsoa ka hare?

**Bala thutoea beke ena ho lokiseta Sabatha, Phuptjane 10.*

Baporofeta le Baruti ba Bohata

Ho bonolo ka linako tse ling ho beha kereke ea pele e ne e le betere, ho e nahana e bile nako ea khotso e holo le kutloano hara balumeli ba pele, ho Jesu. Hoo e ka ba phoso. Le ho tloha matsatsing a Jesu, kereke e ne e tobane le mathata, hangata ka hare (nahana ka Judase). Joalo ka ha liepistole tsa Testamente e Ncha li bontša, boholo ba mathata a ne a tsoa ho baruti ba bohata ba mahareng a bona. Kereke ea pele e bile mathateng e seng a litlhoriso tse tsoang kantle empa le mathata ho tsoa ka hare, hape. Lengolong lena Petrose o sebetsana le tse ling tsa liqholotso tse kahare. Ke life? “Empa, joalo ka ha baporofeta ba bohata ba ile ba hlaha sechabeng sa Israele, le har’a lōna baruti ba bohata ba tla teng, ba kenyang ka sephiri lithuto tse senyang, ’mpa ka ho latola Morena ea ba lopolotseng, ba tla ikhulela tšenyeho e sehlōhō holimo. ’Me ba bangata ba tla ba latela bohlolelang ba bona; ’me tsela ea ’nete e tla nyefofoa ka baka la bona. ’Me ka baka la takatso ea bona ea ho rua ka lōna, ba tla le thetsa ka lipolelo tsa mano; empa kahlolo eo e seng e le khale ba e abetsoe, ha e liehe, ’me timelo ea bona ha e robale” (2 Pet. 2:1-3). Ha e utloahale e le nako ea khotso e kholo le kutloano ea ka hare mahareng a baena le likhaitseli, na ho joalo?

Bala 2 Petrose 2:1-3, 10-22. Petrose o ne a hlokomelisa ka eng mo? Ke lintho life tse fosahetseng tse neng li phahamisoa ka hara likereke?

2 Petrose 2:1 haholo e senola lebaka leo Morena a susumeltseng Petrose ho ngola lengolo. O ne a ba hlokomelisa ka hore joalo ka ha ho bile baporofeta ba bohata khale, ho tla ba le baruti ba bohata kamoso. Petrose o thathamisa liqoso tse khahlanong le baruti ba bohata, tsohle ho tloha ho “tšenyeho e kholo” (2 Pet. 2:1) ho isa ho huleleng batho botlamuoeng (2 Pet. 2:19) le liphoso tse ling tse ngata, hape. Ho tsoa ho seo a se ngotseng, re ka bona hore tsena ruri e ne e le lithuto tse kotsi haholo, se bololelang hore na ke hobaneng a ile a ba khahlanong le tsona ka matla. Petrose o ne a sa tsebe letho ka khopolo ea hore thuto ha se eona taba.

Sheba ka matla ao Petrose a bang khahlano g le baruti bana ba bohata. Sena se lokela ho re ruta eng moo ’nete e leng bohlokoa ka teng? Ke joang re ka itšireletsang khahlanong le e ’ngoe le liteko tsohle tsa ho flisa lithuto tse fosahetseng ka hara kereke?

Tokoloho ho Kreste?

“Hobane ka ho bolela litaba tsa boikhantšo le tsa lefeela, ba chachehisa ka litakatso tsa nama le ka bohlola batho ba sa tsoa furalla ba itsamaelang leshanong”(2 Pet. 2:18).

Petrose o hlokomelisa ka eng temaneng ee? O reng ho 2 Petrose 2:19 e re thusang ho hlalosa khathatseho ea hae? Ke bophlokoa bofe ba lentsoe lee “tokoloho” kapa “bolokolohi” temaneng ea 19?

Ka puo e matla, Petrose o ne a fa babali ba hae tlhokomeliso khahlanong le kotsi ea baruti ba bohata. Ho 2 Petrose 2:18-21 o hlokomelisa hore baruti bana ba bohata, leha ba tšepisa tokoloho le bolokolohi, ba isa batho botlamuoeng. Ke tšenyō e feletseng ea evangeli! Tokoloho ho Kreste e lokela ho bolela bolokolohi bokhobeng ba sebe (Ba-Roma 6:4-6). Khopolo efe kapa efe ea tokoloho ho Kreste e sieang batho bokhobeng ba sebe ke mofuta oa phoso oo Petrose a hlokomelising ka tsona. Leha baithuti ba phehile khang ka bokholehi boo a neng a bua ka bona mona, ho hlakile bo hokahanngoa le taba ea sebe le ho ba lekhoba la sona.

Bala Johanne 8:34-36. Ke joang mantsoe a Kreste moo a re thusang ho utloisisa seo Petrose a se bolelang?

Ho sa tsotellehe hore na baruti bana ba bohata ba ne ba ruta eng, ba ne ba isa bamameli ba bona—batho ban eng bas a tsoa fumana Morena Jesu—morao mekhoeng ea bona ea khale ea libe. Ho bonolo ho nahana mokhoa o mong oa evangeli ea mohau o chiphi e neng e nyenyefatsa tlhokahalo ea e hloekileng e halalelang, e leng se neng se ba hulela “tšenyong” (2 Pet. 2:19) ea lefatše leo ba sa tsoa baleha ho lona. Ha ho makatse hore e be Petrose o ka thata le ka matla khahlanong le lithuto tsena le hlokomelisa le hore na litla morao tsa ho bas ala morao e ka ba life.

U utloisisa tokoloho ho Kreste e ka ba eng? Kreste o u lokollotse ho eng?

Ntja e Khutletse Mahlatseng a Eona

Bala 2 Petrose 2:17-22 le Mattheu 12:43-45. Kotsi ke efe ha molumeli oa Mokreste a khutlela mokhoeng oa hae oa pele?

Petrose o ne a khathatsehile haholo ka qetello ea bao baruti ba bohata ba ba huletseng morao libeng tsa bona (2 Pet. 2:18). Baruti ba bohata ba tšepisa tokoloho, empa joalo ka ha Petrose a supa, tokoloho eo ba e tšepisang e fapane hole le tokoloho eo Jesu a e tšepisitseng ba mo latelang. Sheba tlhokomeliso e matla eo Petrose a faneng ka eona. Ho ka be ho le molemo ho bona ho re ba se ke ba “tseba tsela ea ho loka” (2 Pet. 2:21) ho e-na le ho e tseba e be ba ea e furalla ho khutlela litseleng tsa bona tsa khale. Ruri sena ha se bolele hore bomeo ba bona ha bo na tšepo. Bohle re tseba lipale tsa bao ba ileng ba furalla Morena 'me ha morao ba khutle. 'Me rea tseba hore Morena o ee a thabe ha ba khutla, le ho thabela ho ba amohela. (Sheba Luka 15:11-32.) Ho bolela hore ho khutlela morao ke tsela e kotsi ho nkoa, le ho ka thabisa. Ntja e boelang mahlatseng a eona ke mokhoa o mobe le o thata ho e hlalosa, empa Petrose o fetisa taba ea hae ka papiso eo. Mohlomong molumo oa mantsoe a Jesu ho 2 Petrose 2:20 o entsoe ka boomo (sheba Matt. 12:45, Luka 11:26). Jesu o bolela setšoantšo sa monna ea lokolotsoeng moeeng o litšila. Moea o ee o lelere ho batla sebaka, khabareng o khutle o re “‘A nke ke boele tlung ea ka eo ke tsoileng ho eona’” (Matt. 12:44). O ea fihla 'me o fuhlela ntlo e le feela le ho beha tsoelong. O khutlela teng hape, empa o khutla le meea e meng hape e 'maloa e fetisang oo ka bokhopo. Joalo ka ha Jesu a bolela, “‘me taba tsa motho eo tsa ho fela li fetisa tsa ho qala ka ho lula hampe’” (Matt. 12:45). Kotsi eo Jesu a e senolang le eo Petrose a e hlalosang ke ea sebele. Molumeli e mocha o hloka ho netefatsa hore lintho tsa semoea li kena sebakeng sa tsa pele tse neng li laola bophelong ba hae. Haeba ho nka karolo kerekeng le ho aroelang tumelo e ncha ha ho tlose liketsahalo tsa pele tsa lefatše, ho bonolo ho khutlela mekhoeng ea khale.

Ke litsela life tseo rōna re le lelapa la kereke re ka otlang hantle le ho ruta litho tsohle tsa rōna, haholo ba bacha?

Petrose le Juda

Batho ba bangata ba se ba hlokometse hore Juda 4-19 haholo e pheta molaetsa oa 2 Petrose 2:1-3:7. Nako eohle ha mangolo a pheta molaetsa, re lokela ho ba hlokolosi ka hore Molimo o hloka ho fetisa se seng se bohlokoa. Likheng tsena tse tsoanang, Petrose le Juda ba nka nako e telele ho re hlokomelisa ka 'nete e bohlokoa: Molimo o ntse a le taolong ea qetello ea bakhopo. Bobeli Petrose le Juda ba re siea re se na tikatiko hore Molimo o ntse a beile bokhopo leihlo. E kaba batho ba sa lokang kapa mangeloai a oeleng, Molimo o etse hloko makhopo a bona 'me o se a rerile kotlo ea bona letsatsing la kahlolo (2 Pet. 2:9, 17; Juda 6).

Bala 2 Petrose 2:1-3:7 le Juda 4-19. Ke mehlala efe ea pejana ea boiphetetso ba Molimo eo Petrose le Juda ba e fanang ho tiisa taba ea hore Molimo o tiile ha a sebetsana le sebe?

Petrose le Juda ba tlaleha mehlala e meraro ea khalemo ea Molimo nakong e fetileng. Li kenyeletsa timetso ea lefatše la pele la lifontoane ka moroallo oa metsi, pheliso ea Sodoma le Gomorah, le mangeloai a oeleng bakeng sa timelo (2 Pet. 2:4-6; 3:7; Juda 6, 7). Liketsahalo tsena tsohle lifeta le taba ea qetello. Leha mangolo a bua haholo ka mohau oa Molimo, toka ea Molimo hape e bapala karolo e bohlokoa phelisong ea ho qetela ea sebe. Ke libe life tse qhololitseng kotlo tse thata ha kaalo? Likenyletse ho tlisa lithuto tse khelohileng; ba nyelisa boetapele; bokhoba ho sohle se ba hletseng; ho senya mohau oa Molimo ka boitšoaro ba bobee; ho latola Jesu Kreste e le eena feela ea matla 'ohle le Morena; ba senyang 'mele ea bona; libui tsa mantsoe a lefeela, a boikhabo; le lipuo tsa lefeela (2 Pet. 2:1, 10, 19, Juda 4, Juda 8, 2 Pet. 2:18, Juda 10). Ho thahasellisang, litlhaloso tsena ha li kenyeletse liketso tsa likhoka le mekhoha e tšabehang ea bokhopo eo hangata e re tšosang. Ho ena le hoo, ba hlalosa libe tse poteletseng tse nang le ho tsoanang. Ke libe tse libe tse tloisoang mahlo holimo ke kereke ka bo eona. 'Nete ena e lokela ho re tsosolotsetsa tlhokahalo e kholo ea pako ea 'nete le nchafalo ka kerekeng.

Bala 2 Petrose 2:12 le Juda 10. Mona Petrose le Juda ba hlalosa bao ba tobaneng le timelo ho “boleng ha bona” (2 Pet. 2:12) kapa “liphoofolo tse se nang kelello” (Juda 10) tse laoloang ke boikutlo. Ke joang tlhaloso eo e bapisoang le ka moo Molimo qalong a entseng batho, 'me ke joang u ka thibelang seo ho etsahala bophelong ba hao?

Lithuto tsa Ngata tsa Testamente ea Khale

Bala 2 Petrose 2:6-16. Ke mehlala efe e meng eo Petrose a e sebelisang ho fana ka tlhokomeliso ka seo bokhopo bo ka isang ho sona?

Re kopana le Sodoma lekhethlo la pele ka Bibeleng ho Genese 13:12, 13. Lota le Abraham a ba ile ba etsa qeto ea ho arohana ka mabaka a moruo. Lota a khetha phula ea Jordane, “ ’me a hloma litente tsa hae ho ea fihla Sodoma” (Gen. 13:12). Joale Bibeletse e re, “Empa batho ba Sodoma e ne e le balotsana, e le baetsalibe pel’a Jehova ka ho fetisisa” (Gen. 13:13). Ha morao, ha Molimo o hlokomelisa Abraham hore o rera ho timetsa Sodoma, Abraham a ile a buellela tumellano hore Molimo a ke ke a o timetsa haeba batho ba leshome ba lokileng ba le teng (Gen. 18:16-33). Menyetla e fokolang ea ho fumana feela le ba lokileng ba leshome Sodoma e ile ea totobatsoa ke se ileng sa etsahala ho ba rumuoa ba rometsoeng ho hloela Lota. Motse o ile oa timetsoa ka nako e baliloeng; ke Lota feela le barali ba hae ba babeli ba ileng ba pholoha (Gen. 19:12-25).

Petrose o fumana thuto tse peli paleng ena. Ea pele, metse e ’meli ena e fana ka mohlala oa kotlo e tlelang ba sa lokang (2 Pet. 2:6). Ea bobeli, e bontša hore Morena o tseba o pholosa ba lokileng litekong (2 Pet. 2:7-9). Petrose joale o qolla tse ling tsa limelo tsa ba ileng ba timetsoa Sodoma le Gomorra: ba huleloa ke nama litakatong tse litšila, ba nyelisang borena, baikhantši le baikhohosi, ha ba tšabe ho nyefola mangeloi (2 Pet. 2:10, 11). Limelo tsee li na le ho tšoana le ka moo Petrose a hlalosa baruti ba bohata le baleteli ba bona.

Pale ea Balaame e fumanoa ho Numere 22:1-24:25. O ne a hiriloa ke Balake, morena oa Moabe, ho tla rohaka Balsraele. Qalong o ne a le leqo, qetellong o ile a qobelleha ho nka mosebetsi oo ka baka la moputso o tomanyana (Num. 22:7-21). Tseleng a kopana le “lengeloi la Morena” ’me a pholosa lefung ke ha esele ea hae e kheloha tsela. Balaame eaba o otlalesele ’me a hlokomela phoso ea hae ha mahlo a hae a buleha, ’me a bona “lengeloi la Morena” ka bo eena (Num. 22:22-35). Qetellong, Balaame o qetelletse a hlohonolofatsa Israele (Num. 23:4-24:24). Petrose o sebelisa Balaame e le mohlala oa ba tletseng bofebe le ho batla leruo (2 Pet. 2:14, 15). Batho ba joalo ba ka Balaame. Ba tlohetse tsela eo ba neng ba lokela ho e latela.

Nahana ka sohle seo re se filoeng, bobeli Bibeleng le lingoliloeng tsa Ellen G. White. Ka hona, hobaneng re le Masala a Baleteli re ka neng ha rea hlokomelisoa?

Ho Ithuta Haholoanyane:

Hangata re utloa Bakreste ba bua ka “tokoloho ho Kreste.” ’Me ke ’nete, taba ena e tobobetse. Ho lokoloha thohakong ea molao le ho ba le tiisetso ea pholoho ka lebaka la seo Krste a re etselitseng sona e seng ka mesebetsi ea rōna re bang tokolohong. Pale ea Martin Luther le bokhoba boo a neng a le ho bona pele a utloisisa mohau ke mohlala o moholo oa seo tokoloho e se bolelang. Leha ho le joalo, joalo ka ha re bone ho Petrose, ’nete ena e hlollang e ka sothoa. “’Nete e phethahetseng ea ho itšetleha ho Kreste ka hohle bakeng sa topollo e lutse haufi haholo le phoso ea tumela khoela. Tokoloho ho Kreste e fosoa ke likete e le ho hloka molao; ’me ka ha Kreste o tšile ho lokolla thohakong ea molao, ba bangata ba phatlalatsa hore molao ka bo oona o felisitsoe, le hore ba o bolokang ba oele mohaung. ’Me ka hona, joalo ka ha ’nete le leshano e ka li amana haholo, likelello tse sa tataisoeng ke Moea o Halalelang li tla isoa ho a moheleng phoso, ’me ka ho etsa joalo, ba ipehe tlasa matla a thetso ea Satane. Ka ho etsa hore batho ba amohele phoso bakeng sa ’nete, Satane o sebeletsa ho ikhulela khumamelo ea lefatše lohle.” —Ellen G. White, *Christ Triumphant*, p. 324.

Lipotso tsa ho Qoqoa:

1. Nahana ka 2 Petrose 2:19 le lintho tse ling tseo Petrose a li bolelang ka litholoana tsa lithuto tse fosahetseng. Ke hobaneng re lokela ho netefatsa hore re ithuta ka bo rōna linnete tse hlollang tseo re lumelang ho tsona? Ho bohlokoa ha kae hore e be re lumellana hantle ka seo re lokelang ho lumela? Ke neng ho bang “kotsi” ho ba le mehopolo e fapaneng le eohle e lumeloang ke balumeli ’moho le rōna?
2. Sheba e ’ngoe ea puo e matla ea Petrose malebana le taba ea kotlo le kahlolo: “ba ikhulela tšenyo e sehlōhō holimo” (2 Pet. 2:1); “ba tla timela ho boleng ha bona” (2 Pet. 2:12); “le ho bolokela ba khopo hloko-falo ea letsatsi la kahlolo” (2 Pet. 2:9); “me timelo ea bona ha e robale” (2 Pet. 2:3). Litemana tsee li lokela hore bolella eng ka eseng feela bonnete ba kahlolo empa ka hore na ke ka matla ha kae Molimo a tlang ho timetsa ba isang batho ba hae phosong?
3. U nahana hore ho bolela’ng ha bao ba buang ka “tokoloho ho Kreste” ba etsa joalo, e seng boemong ba molao kakaretso (leha ba bang ba etsa) empa boemong ba ho boloka molao oa bone, molao oa Sabatha? Ke joang khang ee e re thusang ho bona ka tsela e ’ngoe hore na taba ee ea “tokoloho ho Kreste” e ka sothoang kateng?

